

ЛЕЗГИ

Газет



Жуван Ватан, ватанэгълияр,
дидед чIал хуьх!

Алай йисан 23-майдиз йикъан сятдин 2-даз Дербент шегъерда Лезгийрин СтIал Сулейманан тIварунихъ галай госмуздрамтеатрдин дараматда РД-дин культурадин министерстводин тапшуругъдалди "20 йис сегънеда" лишандик кваз Дагъустандин халкъдин артистка Фаризат ЗЕЙНАЛОВАДИН яратмишунриз талукъарнавай межлис кыле тухуда.



Чна квез и мярекатдиз теклифзава, гъурметлу ватанэгълияр!

Лезгийрин СтIал Сулейманан тIварунихъ галай госмуздрамтеатрдин коллектив

1920 – йисалай акъатзава

N 17 (10766) хемис 27 – апрель, 2017 – йис WWW.LEZGIGAZET.RU

Къимет "Дагпечатдин" киоскрай - 16 манат



Шикил - РД-дин Къилин ва Гуьмуатдин пресс-кьулугъдин

Майдин суваррин йикъара республикада полициядин 6 агъзурдалай виниз кьулугъчийри дежурство тухуда

Къилинди - хатасузвал

25-апрелдиз РД-дин Къил Рамазан Абдулатипован регъбервилек кваз республикада къанун-къайдадал амал авун таъминарунин рекъай Координационный совещанидин заседание хъана. Анал майдин суварриз гъазурвал аквазвай ва абур кыле тухузвай девирда федеральный кьурулушрин территориальный, РД-дин исполнительный властдин ва чкадин самоуправленидин органри санал къвалахунин месэляяр веревирдна.

Рамазан Абдулатипова суваррин йикъара агъалийрин хатасузвал таъминарун, и мураддалди вири къуватар ва такъатар желб авун лазим тирди кьейдна.

"И кар чина, адет хъанвайвал, республикадин вири шегъерра ва районар Гъалибвиллин суварин мярекатар кыле тухуниз иллаки гзаф талукъ я. И месэла чна къанун-къайда хуьдай органрин руководителрихъ галаз веревирдна. Абуру, гъамиша хъыз, вилик квай суваррин мярекатриз лап кевелай гъазурвал аквазва. Идалай гъейри, аз вири дагъустанвийрихъ элквевена, лугъуз кланзава: эгер чаз секиндала ва лайхлудакъ яшамаш жез кланзаватла, секиндаказ ва лайхлудакъ яшамаш хъунни герек я. Чна и мураддалди мумкин тир вири крар ийиз къуд йис я. И къвалах тухудай чIавуз, гъайиф хьи, чун кьуьнерал чинер алай ва ислягъ ватандашрикойни магърум хъана. Чалай гъар жуьредин бандитар хатасуз ийиз алакъзава. Амма са низ ятIани ислягъ Дагъустандикай хуш авач. Чи къвалахда чаз федеральный центради кумек гузва.

Дагъустан хушбахт хъана кланзавай вирибуруз чна санал къвалахун теклифзава. Чун рахунар кыле тухуз, дуьзгъун критика къабулиз гъазур я. Республикадин абад-

вал патал тухузвай къвалахда чаз кьецI гуз кланзавайбурукай рахайтIа, абурун ниятар кылиз акъатдач", - лагъана Рамазан Абдулатипова.

РД-дин кьенепатан крарин министрдин заместитель Сергей Карпова суваррин йикъара хатасузвал таъминарун патал къабулдай серенжемрин патахъай хабардар авуна. ИкI, властдин вири дережайрин органри санал къвалахунин рекъай штабар тешкилнава, муниципальный тешкилатрихъ галаз алакъаяр тайинарнава, памятникар ва мемориалар суткада кыляй-кылди хуьнин къвалах тешкилнава.

"Махачкъалада, Аваррин театрдин драматдин патав, республикадин профсоюзрин организациийрин тешкилатди митинг кыле тухудайвал я. Шегъерра демонстрацияр, "Рекъин тийидай полкунин" мярекатар кыле фида. Вири и серенжема 350 агъзур касди иштиракун гуьзлемешзава. Абурун хатасузвал таъминарун патал МВД-дин вири личный состав къвалахдин кьетIен шартIарал алудда. Тек са Махачкъалада суваррин йикъара полициядин агъзур касдилай виниз, санлай республикада лагъайтIа, 6 агъзурдалай виниз кьулугъчийри дежурство тухуда", - малумарна Сергей Карпова.

Россиядин МЧС-дин РД-да авай ГУ-дин начальнигдин заместитель Олег Халипов культурадинни массовый серенжемар кыле тухудай девирда цIаяр кьуникай хатасуз авун таъминарунин месэлайрал акъвазна.

Махачкъаладин мэр Муса Мусаеван гaфaралди, Дагъустандин меркезда спортдин, культурадинни машгъулардай ва чIехи

▶ 2

Важиблукъ месэлайриз килигна



РД-дин Къилин патай тамам ихтиярар ганвай векил Энрик Муслимов Сулейман-Стальский райондиз мугъман хъана

Хазран КЪАСУМОВ

Сулейман-Стальский райондин кьил Нариман Абдулмуталибован председателвилек кваз Къасумхуьрел госуударстводинни диндин алакъайрин, район экономикадин жигъетдай вилик тухунин месэлайрай гегенш совещание кыле фена. Адан къвалахда Къиблепатан территориальный округда РД-дин Къилин патай тамам ихтиярар ганвай векил Энрик Муслимова, РД-дин намусдин азадвиллин ва диндин идарайрихъ галаз алакъа хуьнин комитетдин председатель Мегъамед Абдурагъманова, Къиблепатан территориальный округда РД-дин Муфтиятдин векил Магъди-гъажи Абидова, "Минмелиоводхоз" ФГБУ-дин директор Залкип Къурбанова, Сулейман-Стальский райондин Собранидин председатель Штибег Мегъамедханова, райадминистрациядин управленийринни отделрин, образованидин идарайрин руководителри, къайдаяр хуьдай органрин, общественный тешкилатрин, диндин, жегъилрин организациийрин ва СМИ-рин векилри иштиракна.

Н.Абдулмуталибова Энрик Муслимоваз цийи кьулугъ мубаракна, адахъ агалкъунар хъана кланзавайди лагъана.

Совещанидал "Терроризмдин ва диндин экстремизмдин вилик пад кьунин къвалах гужлу авуни гъакъиндай" месэладай М.Абдурагъманов рахана, ада комитетдин къвалахдикайни вилик акъвазнавай везифайрикой гегеншдаказ суьгъбетна.

Районда экстремизмдин ва терроризмдин идеологиядиз акси яз тухузвай къвалахдикай общественный хатасузвал хуьнин рекъай райондин къилин заместитель АбутIалиб Фатулаева, терроризмдиз акси яз образованидин, гъакъни законсуз яракълу дестейра иштиракзавайбурун хизанрихъ галаз тухузвай къвалахдикай РУО-дин информационно-методический центрадин директордин заместитель Венера Абдуселимовади, районда авай оперативный гъаларикай ОМВД-дин полициядин начальник Эльдар Ибрагъимова гегенш рахунар авуна.

Совещанидал халкъдин арада диндин чирвилер гуни къвалах хъсанарунин рекъай тухудай са бязи серенжемар тайинарна. Къилди къачуртIа, мярекатдин иштиракчийри хуьрерин мискинра диндин рекъай хъсан, дерин чирвилер авай имамар бес тежезвайди кьейдна. И жигъетдай совещанидал теклифар гъаз райондин имамрин Советдин председатель Гъасан-гъажи Амаханов, РД-дин намусдин азадвиллин ва диндин идарайрихъ галаз алакъа хуьнин комитетдин председателдин заместитель Расул Гъажиев рахана.

Нариман Абдулмуталибов районда хуьрун майишат вилик тухунин къвалах къайдадик кутунин месэлайрал, суьрсет гъасилзавайбурул дигидай цин патахъай гъалтзавай четинвилерал акъвазна.

И месэладай рахай райондин хуьрун майишатдин ва суьрсетдин управленидин

▶ 2



ХАБАРАР

Абурун виридан фикир сад тир: терроризмдиз, экстремизмдиз, чIуру кьугъунриз талукъ соцсетра авай чинрин чилина гъат тавун патал аялрин арада гъавурда тунин къвалах тухун, хаталу соцгруппайриз гъахъунин рехъ агалун ва икI мад.

▶ 8



МЕДЕНИЯТ

- Математикадиз кьвердавай гзаф фикир гун - им дуьм-дуьз илимрихъ авай игътияж артух хъунихъ галаз алакълу я. Алай девир илимдинни чирвилеринди, математика лагъайтIа, илимрин шагъ тирди агъалийри кьвердавай генани аннамешзава.

▶ 10

“Анжидин” Академиядин филиал

Рагнеда РАМАЛДАНОВА

Меъгарамдхуьруьн райондин сайтта хабар ганвайвал, алай йисан 24-апрелдиз Меъгарамдхуьре футболдин “Анжи” клубдин Академиядин филиал ачухна. “Леки” стадиондал кьиле феи мярекатда райондин кьил Фарид Агьмедова, Махачкъаладай атанвай “Анжи” клубдин ва чкадин “Леки” командадин векилри, райадминистрациядин жавабдар кьуллугъчийри, райондин тешкилатрин ва са жерге идарайрин кьиле авай ксари, жегилри иштиракна. Мярекат райадминистрациядин физический культурадин ва спортдин, гьакни культурадин отделрин куьмекни галаз тешкилнавай.

Шад мярекат ачухай Фарид Агьмедова кьенин юкьуз сагьлам уьмуьр пропаганда авуниъ еке метлеб авайди, идахъ галаз сад хиз, “Анжи” Академиядин филиал ачухуни районда спорт вилик тухуниз, спортдин машгур ва виридан рикл алай жуьрейрикай сад тир футболди жаванриз сагьлам бенденда сагьлам рубьгъ хьуниз куьмекдайди кьейдна.

Гуьгьунлай мярекатдал рахай футболдин “Анжи” клубдин гене-



ральный директордин заместитель Рамазан Гъазиева ва “Анжи” Академиядин директор Меъгамед Исаева футболди Дагъларин уьлкведин спортдин уьмуьрда еке чка кьун, футболиствилин пешени анжах са футбол кьугъвадай майдандин сергьятралди акьалтл тавун лазим тирди алава хьувуна.

- Футболистри яшайишдин рекъай проекта, мергьяматлувилин серенжемра иштиракна кланда, вучиз лагъайтла Дагъустанда спортдиз гьамиша фикир гузва, спортсменар лагъайтла, амайбуруз чешне хьун гекре я. Меъгарамдхуьруьн район Кьиблепатам Дагъустанда спорт пара активнидаказ вилик тухузвай майдан я. Идалайни гьейри, Меъга-

рамдхуьруьн футболдин “Леки” команда Дагъустандин чемпионвилдин тварциз ва СКФО-дин Кубокдизни лайихлу хьана. И агалкьунри ина футбол вилик тухудай вири кьулайвилер авайдан жигьетдай шагьидвалзава, - кьейдна абуру.

Филиал ачухдайла яру лент атун Фарид Агьмедова, атанвай мугьманрал - Рамазан Гъазиевал ва Меъгамед Исаевал ихтибарна.

Мярекат манидаринни кьуьлердайбурун иштираквал авай концертдин программади давамарна. И пай акьалтлайла стадиондал Меъгарамдхуьруьн “Леки” ва Хасавюртдин “Даймохк” командаяр кьугъвана, 7:0 гьисабдалди “Леки” командади гьалибвал кьазанмишна.

Муштулук!

Са шумуд югъ идалай вилик Калужский областдин Медьнь шегьерда универсальный женгерай кьиле феи Россиядин чемпионатда вичин ери-бине Сулейман-Стальский райондин Алидхуьрелай тир **Аслан КЪУРБАНОВА** (90 кг) Россиядин чемпионвилдин твар (гила кьвед лагъай сеферда) кьазанмишна.



Тельман ва Аслан Къурбановар

Асланан ими ва тренер-насиьатчи, дзюдодай дуньядин чемпион Тельман Къурбанован гафарай малум хьайивал, и чемпионатдин сергьятра аваз А.Къурбанова 5 бьгьс кьиле тухвана, финалда вичин кьуватар Ингушетиядай тир 5 сеферда дуньядин чемпион А.Костоевахъ галаз ахтармишна.

Риклел хкана



З.САИДОВА

14-апрелдиз Къуругь райондин Клирийрин хуьруьн спортдин школа-интернатда (директор Надир Тагьиров) генерал Къагьриманов Муьгъуьдин Гьамидовичан кьамат риклел хкуниз бахшнавай мярекат кьиле фена. Ам Россиядин Гимн ягъуналди ва РФ-динни РД-дин пайдахар хкажуналди башламишна.

Мярекат ачухай Н.Тагьирова вичин докладда генерал М.Къагьриманован уьмуьрдин ва зегьметдин рекьикай куьрелди суьгьбетна.

- М.Къагьриманова 40 йисалай виниз Советрин Армияда кьуллугна. Адакай Къазахстандин ва Туьркменистандин Верховный Советдин депутат ва Туьркменистандин компартиядин Центральный комитетдин член хьана. Ам 10-далай виниз Россиядин, Къазахстандин, Туьркменистандин, Анголадин ва маса уьлквейрин гьукуматдин шабагьрин сагьиб я, - риклел хкана докладчиди.

Генерал Къагьриманован уьмуьрдин ва женгинин лайихлувилерикай Клирийрин хуьруьн спортдин школа-интернатда тарихдин тарсар гузвай муаллим Саид Тажибова ихтилатна.

Мярекатдин иштиракчийриз тебрикдин гафар райондин образованидин отделдин начальник Рамазан Катибова, райадминистрациядин кьилин заместитель Махач Хариева, РД-дин образованидин илимдин министерстводин психологиядинни медико-педагогикадин комиссиядин пешекар Шапери Къурбановади ва масабур лагъана.

Райондин искусствойрин школада, Клирийрин хуьруьн СОШ-да ва Клирийрин хуьруьн спортивный школа-интернатда клелзавай аялри дяведин йисарикай манияр лагъана ва халкьдин кьуьлер тамамарна.

Гуьгьунлай Клирийрин хуьруьн спортдин школа-интернатда муаллим яз кьвалахай ва вахтсуздаказ рагьметдиз феи Сувар Къурбановадин тваруниъ тарихдинни край чирдай музей ачухна.

Къуругь райондин кьил Замир Азизован патай Махач Хариева музейдиз кьиметлу суьрет багьишна.

Мярекатда Къуругь райондин кьил З.Азизова вичин заместителар ва администрациядин жавабдар кьуллугъчийар галаз иштиракна.

Икьан кьвед лагъай паона спортдин школа-интернатдин спортзалда Къуругьрин юкьван 1-нумрадин, Кьепиррин ва Клирийрин школайрин, Къуругь райондин администрациядин, Россиядин МВД-дин Къуругь района авай ОВД-дин ва Клирийрин хуьруьн спортдин школа-интернатдин командайрин арада волейболдай акъажунар кьиле фена.

“Шад стартар” - шад гьалара



Маида АГЬМЕДОВА

И йикъара Къуругь райондин Спортдин дворецда Виридуьньядин сагьламвилдин йикъан сергьятра аваз “Шад стартар” твар алаз спортдин акъажунар кьиле фена. Абурун тешкилатчи райондин физкультурадинни спортдин ва жегилрин крарин рекъай отдел тир.

Школьнирнин арада ихьтин мярекатар кьиле тухунин кьилин макъ-

сад района спорт вилик тухун, школайра авай аялрин сагьламвал мягкемарун, акьалтзавай несилди сагьлам уьмуьр кечирмишун, аялар ватанпересар яз тербияламишун я.

Акъажунрин программа туп лашан кьуна ахъаюнникай, цил ялуникай, алай чкадилай яргъаз хкадаруникай, жуьреба-жуьре чукуруникайни кьугъунрикай ибарат тир.

Идалайни гьейри, ял язавай вахтунда рушарин арада еперал хкадарунай, гадайрин - члемерукай

лишанар кьунай акъажунар кьиле тухвана ва “Лезгинка” кьуьл авуна. Гуьгьунлай конкурсдин нетижаяр кьуна.

Пуд сьтада давам хьайи акъажунар 1-чка Къуругьрин 1-нумрадин юкьван школадин, 2-чка Кьепиррин, 3-чка Шимихуьруьн юкьван школайрин аялрин командайри кьуна.

Вири командайриз кубокар, грамотаяр, медалар ва кьиметлу пишкешар гана.

Жавандин агалкьунар

Эйзудин САЙДУМОВ

И шикилдай акъазвай **КЕЛБЯЛИЕВ Закир Назирович** (2001-йисуз хана) Даркьушрин-Къазмайрал тренер Уружев Фикретан гьилик 3-классдилай башламишна дзюдодал машгур жезва. Са тимиьл вахт инлай вилик Сулейман-Стальский райондин Сардархуьре дзюдодай жаванрин арада Дагъустандин кьенкьечивал патал кьиле феи акъажуна 2001-2003-йисара хан-



вай ва 50 кг-дин заланвал авайбурун арада Закира 2-чка кьуна. Идалайни гьейри, алаатай йисан декабрдиз дзюдодай Меъгарамдхуьре Дагъустандин кьенкьечивал патал тешкилай акъажуна 3-чка, Дербентда, Меъгарамдхуьре, Белижда кьиле феи турнирра 1, 2 ва 3-чкаяр кьуна.

Кьейд авун лазим я хьи, 3.Келбьялиева 10-классда хьсан кьиметар аваз клелзава, школадин общественный уьмуьрдани активнидаказ иштиракзава.

